

滿城縣志略卷之十一

人物二

孝義

金

劉珏

舊志作珏保定府志作珏

幼勤學好禮孝親友弟邑人以長者稱父卒與諸

兄負土築臺於墓朝夕登哭守三年而歸鄉人賢之

明

劉政慷慨尚義素饒於財雅好周濟成化丁亥歲大饑餓殍載道

當事賑粟倉粟不贍政捐米七百石以給貧乏

周昇父母繼逝廬墓六年負土成邱草茂於廬兔馴於側

卷十一

人物 孝義

一

清

趙國棟天資高邁聰穎出羣蚤歲補博士弟子屢試不售遂絕意

仕進以激勵名節扶持風化為事鄉人有不善者多方曉譬化而

後已有爭不下者排難解紛捐資亦所不辭以壽終無遠近親疎

皆哭臨之

陳季侯字公一縣西莊人賦性慈祥秉心愷悌年十八母病沉疴

藥石罔效焚香默禱願求身代割股作羹以進母病尋愈里人呈

報縣令董公以隆行內則旌其門時在康熙二年九月

劉麟振字文裔性孝友簡重寡言孩提時如成人長嗜學為文超

邁弱冠補博士弟子員父病禱於天祈以身代母患目疾作文告

神願損己年以增母壽有妹爲常生文焜妻少寡麟振謂弟麟趾曰妹青年守貞夫族鮮依所賴者吾兄弟兩人耳當善體其心吾妹安吾母之心亦安矣處鄉黨恂恂諄篤早夭無嗣人皆惜之彭昌齡字錫九縣學生天性孝友輕財好施康熙三十年縣南河旺村民饑失業昌齡設莊地安居者四十餘戶鄰縣神南葛從村民爭水田構訟昌齡捐資鑿河十餘里民田永利訟亦息守道邵公旌其門曰善人義士

彭一鴻字綱菴昌齡子幼秉庭訓性慷慨尙義臨事肯負荷有父風旣補弟子員秋試不第曰吾即無所遇得爲鄉里善人足矣用是益樂推解家雖不甚饒裕人有所求弗吝也如謁山石中金死

卷十一

人物 孝義

二

無以殮其子來泣訴即出資爲置棺衾柳家撮孫九州旣聘而無力完娶立給錢數千緡使之成禮里中有老貧無依者恆招之廡下贍其衣食累年不厭至於通親族之有無濟友朋之緩急不可殫述家塾延師族子之無力備脩脯者悉令從學飲食膏火如其子姪蓋君之睦嫻任卹天性然也乾隆庚戌鄉飲縣令孫公舉爲介賓上憲檄州縣設立彰善坊以示旌異孫公采輿論以君及冉九成名題其上過者榮之

康年字豐之縣學生少失怙事孀母以孝聞祖遺產不受結据成家幼弟弗能立給資五百金往外營商折本歸毫無愠色性好施與同里鄭氏婦死憐其貧施棺給米以殮高東壁者家貧多子不

得食資田六畝不責歲息有田在抱陽村例得租二百石遇凶歲盡弗取佃戶感之年七十卒

趙成榮字循禮縣荆山社人爲人謹厚性至孝娶陳氏氏著姓女知大體翁姑篤愛之以媿疾亡循禮時年二十五子玆生月餘託嫂氏乳育竟不娶親友怪而勸之則曰吾豈不樂有室常見繼娶婦各私所生異視前妻子每多嫌隙況亡荆存日極得堂上歡儻新者不如故使二親悒悒奈何遂終身鰥處日以農圃自適年七十九卒

冉九成字玉泉以勤儉世其家及身財稍裕動必以禮尤慷慨濟人之急雍正辛亥歲凶啼饑之聲遍邑里乃散積粟百餘石分給

卷十一

人物 孝義

三

鄉鄰不取償鄉民王進龍親老無力完娶以服奉養出錢數十緡成全之鄰人藺甫妻死無棺爲置棺殯葬聞者義之其他推解類此乾隆癸亥彰善典頒縣令孫公申請上憲與彭君一鴻並題名彰善坊以旌之

張汝芳縣東原社人性慷慨好急人難崇禎季年挈家避亂山塘歸取飲食遇一初產嬰兒呱呱砂積中解衣懷之不數武又遇一婦昏踣坡側知是嬰兒母也掖而起之進以米汁飲漸蘇問之乃甥婦劉氏也時避兵者絡繹莫一顧公獨於流離顛沛中全活劉氏母子其生平高誼多類此縣令余公舉爲鄉飲大賓旌之曰德擬燕山

趙景抃灑子允昌冢孫也與叔漪溶年相埒祖鍾愛幼子公體其意僅取茅屋數椽瘠田十餘畝餘俱讓與幼叔一門相得怡怡如也力舉子業屢雋輒躡高安相公與公爲布衣交高安處鈞輔凡知交取青紫如拾芥公絕不干以私高安知公意亦不欲以功名相浼生平慕徐孺子爲人隱於鄉義在自食雍正元年詔有司舉孝廉方正當道欲以公薦公辭遜不就卒於家識者咸惜其抱負不凡未展所用云

魏烈縣固店人乾隆庚寅恩科舉人祖鎧捐穀救荒有隱德烈生而穎異讀書敏悟見義必爲時清高宗用兵西南差役煩重固店村臨官驛擾累不堪烈與貢生張弼呈請大憲減輕之村人感德

卷十一

人物 孝義

四

立石今在村東嶽廟

田種義字健行江城鎮人縣學生性樂善好施與每歲冬季施粥三月歲暮鄉鄰貧乏不能度歲者散給錢文以爲常咸同間村民苦徭役恆起爭訟公捐置田畝設公差局擇公正紳耆董之村民勒碑記德年七十六卒僉曰田善人云

劉茂林字修竹長旺村人縣戶科書吏性和藹樂施與光緒四年春歲饑且疫人多死公置棺數十具施給貧不能葬者又嘗聚集村中子弟講說孝悌仁義等故事先是村風頗澆薄至是漸臻龐厚人以爲公之德化云

劉兆奎字星閣江城鎮人縣學生性沉毅有謀略時鎮有地痞橫

暴人皆敢怒而不敢言公秘聯民衆稟官收獄閭里得安庚子之亂外國聯軍入境駐鎮八閱月公倡辦支應供給柴草馬匹以此未受蹂躪尋被舉爲村正創辦鄉小學校毀廢廟建校舍募集公私各款充作校費民國二年監修一畝泉河工款無虛糜工程堅固並將應得酬金全數捐助縣長徇民衆之請特頒急公好義匾額以榮之

邊兆祥南固店人國學生富而好義創立本村義學捐施本縣書院地畝並修完滿界之永安橋以利行人歲祲按口給糧以濟鄰里有善人之名子秉直秉鉞皆領鄉薦

李國棟陘陽驛人十二歲喪父弟僅五齡事母撫弟刻苦自勵家

卷十一

人物 孝義

五

貧不能給朝夕時負米百里外光緒三年邑令賈孝彰旌以孝情子路匾額母壽九十三終守古制臥草百日不飲酒不茹葷者三年晚年積畜甚豐咸豐七年歲饑出糧七十餘石以賑鄉鄰光緒六年又捐地七十五畝供應差徭村人感之送義著鄉黨匾額陳清亮字順通城內人幼喪父母七世祖墓在完縣壇山年久不知其處公十七歲親往尋訪竟展墓繪圖以歸家貧樵採每於空山無人處痛念先人不及奉侍未嘗不仰天悲號也姑適葉氏年老無子朝夕不給奉養終其身至性過人如此晚年營小商販貨售不二價遇有善舉輒以餘財捐助之讀書篤好易學暇則閉戶危坐潛心玩索夙儒時相過從談論竟日獨能道其精微焉年六

十八卒

張瑞字慶祥國學生幼喜武術輕財尚俠鄉鄰有訟得公一言立解有盜竊公畜驢既而知為公物潛還之義氣感人如此習醫術尤精眼科有求診者輒應概不受謝家設藥肆貧不能具藥資者即施與之年七十一卒友人輓以聯語云俠義結交完滿唐罕見奇男子儒醫救世京津保均稱好先生想見為人一斑云

張錦文字冠軍縣學增廣生事繼母以孝聞幼受業張鳳紀張卒家貧公為殮葬嗣其後人家藏書甚富臨終囑以藏書捐之書院以公同好孫乃昌奉遺命以十三經注疏廿一史四庫全書提要佩文韻府四部成其志焉

卷十一 人物 孝義 六

雷同春字普生夜借人性至孝母病割股和藥以進母歿茹素終身家富好施與保定育嬰堂全節堂均時助柴米焉鄉人稱之

甯遴字登甫北固店人村人苦差徭遴捐資置田百二十四畝收租輸納村人德之刊石紀其事

邊秉義武舉人同治六年十月捻匪竄境秉義率鄉勇禦之被執

不屈死 其時殉難者又有諸生李藍田武生張仁盛生劉舒泰六品軍功李起鳳張傑曾繼先吳發水曾錫子劉俊趙洛知楊合兒趙金元郭文煥郭生郭文花郭慶

兒趙盛許洛迎尹老五兒李茂白訓白洛即白瑞白洛平姚洛福王清太李洛志李洛秀李洛花王洛運吳中仁吳洛純盧守信王大秋王二黑錢福然錢洛受李為學王四兒王

寬郭信郭秀郭老旦子郭喜張洛見郝璋盧洛法楊書楊天吉趙熊光袁泮米香袁旺兒郭

吳鳳鳴家三人趙清家二人楊和兒家二人袁洛亞家三人徐洛斐王錫勳錢塘寶馬開昌

劉春會保全賈元朱不振劉慶保趙成兒賈亭兒張美玉曹成文郭白小郭福來劉五兒

明王黑兒王金保李安楊輝李黑小李老杜洛玉杜瑞王金保李雙兒馬黑小李黑子李來
 李盛兒王黑兒李保兒杜四保李洛恭杜洛玉杜瑞王金保李雙兒馬黑小李黑子李來
 唯李句兒李大龍李猪兒杜光前杜七兒常得子李臭火馬兒杜惠郭範范連登張元兒趙
 金甲李俊王金然張玉凌張清太李閱李闔張狗兒張羊兒杜惠郭範范連登張元兒趙
 黑子范連楊興兒杜三丫頭楊洛介范重山范聚李春芳子趙雙喜趙八十兒趙文成趙
 喜連王三得趙洛得趙洛慶楊三才楊林秦黑子秦白子趙雙喜趙八十兒趙文成趙
 芝趙洛符張黑皂火張維甸張黑子和曹洛仲曹保曹洛靜劉洛蘭孫保兒曹洛雅劉盛齋
 洛立趙文喜杜珍張黑丫頭張永和曹洛仲曹保曹洛靜劉洛蘭孫保兒曹洛雅劉盛齋
 曹大喜曹二喜曹廷路曹老小張會李小兒張平劉洛秀趙大喜顏明善種常福博小眼顧二
 來義瀛春曹廷路曹老小張會李小兒張平劉洛秀趙大喜顏明善種常福博小眼顧二
 小何洛常何洛攀王洛濟劉洛宏劉僧保李印李宜王鍋底朱洛善高洛清康洛立胡洛祥
 靳得温谷且子尹燦王馮洛印王瑞陳有義高進中王洛岐朱洛善高洛清康洛立胡洛祥
 劉撻劉點杜洛純杜洛春康信劉祿爾劉套狗郭洛福索郭底孫叔望孫禮孫永孫茂盛
 王祿兒王丑兒王洛祥路洛二趙慶和韓玉佩張清朱八十兒尹和郭黑子郭白子畢欽
 畢洛生齊牛兒張洛貴張洛德張志張洛金張洛燦石洛篤周洛景邴麥熟田良兒韓
 登兒徐洛彩邴福爾陳洛榮王狗兒亢月李三小吳二剛李慶年張長太石安共三百十
 三人
 採訪册

隱逸

卷十一

人物 隱逸

金

魏太初邑人性純篤恬靜不樂仕進經史百家靡不潛心研玩尤

長於左氏春秋善屬文工詩隱居教授一時從遊門下者甚衆道

德修於己仁義孚於人恆以移風易俗爲己任當時稱爲太初先

生

韓中邑人好讀書性甘淡泊以春秋名家遠方之士多樂從之處

世接物不激不阿儀型鄉里人皆化於禮讓卒贈中書參知政事

南陽郡伯

清

陳永圖字懷亭邑庠生爲人愷悌慈祥淡名利精醫術與同城康

湘南李鄴源爲道義交以詩文誘掖鄉黨子弟人咸樂從其遊舉鄉飲介賓著有醫方備覽待梓

陳鈺字聯璧懷亭子幼承庭訓博學工書精醫術不求仕進施醫濟人尤精小兒科求診者無不立應所全活甚衆鄉里感之匾其門曰第一國手著有思樂軒詩草痘疹祕訣子四人之彬業醫之深績學早亡之炳之煥皆舉人

李鶴年字皋坪澧之孫也性沉毅博洽多聞爲文淵懿樸茂每一脫稿後生爭誦習之城縣碑誌多出其手北莊祇園寺城內城隍廟眺山蠶姑祠諸碑皆獨有見地傳頌一時生平讀書樂道淡於仕進雅有清高之節士林重之

卷十一

人物 隱逸

八